

《佛說無量壽經》 補充講表

◎附表二十九：以下糅合《佛說無量壽經甄解》

○佛告阿難：彼國菩薩，皆當究竟一生補處，除其本願，為眾生故，：普欲度脫一切眾生。唐譯云：「復次，阿難！極樂世界所有菩薩，於無上菩提，皆悉安住一生補處，唯除大願，能師子吼，擐大甲冑，摩訶薩眾，為度群生，修大涅槃者。」

○其鈍根者，成就二忍。其利根者，得不可計無生法忍。

※其鈍根者，成就二忍，謂音響忍及柔順忍。

※其利根者，得不可計無生法忍：一、宋譯經云：「深入法門，得無生忍。」謂智慧深入不

可計諸法，於一一法，證得無生理。故云：「不可計無生忍。」

二、不可計者，彰能證人多。

○除生他方，五濁惡世，示現同彼，如我國也。

謂應現五濁剎，同彼濁惡眾生，現生老病死之相，如釋迦牟尼佛，應現此娑婆國也。

○佛告阿難：生彼佛國諸菩薩等，所可講說，常宣正法，隨順智慧，無違無失。

唐譯云：「復次，阿難！彼極樂界，諸菩薩眾，所說語言，與一切智相應。」

※今謂說法順智，故無違；無違故無失；失「過」也。

※無背佛意，無失眾機。